

PRÆFATIO FACULT. THEOL. LIPSIENSIS.

rimis de tota Christi Ecclesia longe meritisimus & famigeratissimus, Reverendissimo, Serenissimo, atque Celsissimo Saxoniae Duci, Archi-Præsulatus Magdeburgensis Postulato Administratori, Germaniæ Primati &c. à Consiliis sacris, Confessionibus & Concionibus aulicis primariis, eandem pari dexteritate ad finem perduxit, & nitidissimam in Ecclesiæ proscenio stetit. Libro precium non tantum faciunt hæc cara nomina, inter Theologos præclara lumina, supra & extra omnem judiciorum aeam posita, sed & materia, non privati alicujus vigiliæ, sed libri Ecclesiarum nostrarum Symbolici continentes ὑποτύπωσι verborum, phrasium, sententiarum ab Ecclesia receptarum & magnæ proinde autoritatis semper habiti, nec aliqui duntaxat, sed omnes simul juncti, quibus accedit formale, sive tractandi modus, qui minime vendit fumos vel trivialia tractans, vel ἀλλότρια substituens, sed textus analysin accuratissimam, notas eruditissimas, & in recessu multum habentes, nec non quæstiones ad rerum Theologicarum cognitionem abundantissimam manudacentes tradit. Commendat hoc scriptum non quotidianum etiam finis, οἰκοδομῆ Studiosæ juventutis, quæ sæpius in Autorum delectu aberrat, & pro Junone nubem amplectitur, ut libris Symbolicis, quibus aliquando ad spartam aliquam ornandam promovenda sese vult adstringere, maturius assvescat, nec verborum duntaxat corticem rodatur, sed ad medullam